



An d'Leit hu gehofft op foll Speicher a Scheier,
An d'Bród dát bléf och net mé grad esó deier,
Ma d'Hé dát fermüsch mat dem Lisèr a Klé,
An 't dét èngem Léd scho fir d'Pèrd a fir d'Ké,
Dé krée schlécht Fudder, a schmuol gin d'Rationen,
An 't schwemt schon ké Bauer haut an de Milliönen.
A kuk op d'Gewan emol do drét och d'Frücht
Wé d'domm Leit den eidele Kapp an der Lûcht;
An d'Drauwen eréscht dé elo solle bléen,
Mir werde wuol nêsemol Hasseflug kréen,
Dés Batzko a Keitchen dén só góf genant,
Well dén Hèrr wé nach aner as duréchgebrant.

A bei all dé Wonnen dé mir hun ze hélen,
Do géf och nach grad e schlécht Joer ons fêhlen,
Fir dat no só muonéchem propere Krách
Op t' lèscht nach fum Land géf Bankrut gemách.

So, motzt de fleicht wèll et dir net ka gefallen,
Dat hei gewess Wirtschafte Kèllnrinnen halen,
Dé hinnen d'Hantérenge prèchtég du go'n,
Gént dé séch dé aner Wirt batter beklo'n,
A wófun, wé ech et tlèscht so'n hu gehéert
E Pûor schon an d'Villa Flesch of si spadzéert.

Oder huôt déch e Prapeléskrémer bestach,
An dir Actione fun Banke fersprach,
Dass du ze fill lang et schon iwer all Moszen
En Dág wé dén anere rénen hûos loszen?
Et as fleicht nach Zeit, gesté et dach ân,
Dém éwege Sabblen en Enn mol ze ma'n,
An dènk un dé Schuod, op Wis an Gewanen
Gét soss fir des Joer jo alles zu schanen.
Ma gléf et presséert, schwètz gleich mat der Sonn,
Dát bèscht as du sés er et mam Telefon,
Fir dat erem falen fum Himmel hir Stralen,
A mir net a metten am Juni erkalen.

Erof só ze strénzen hal selwer du Ró,
A spiér d'Wässerlédonk èng Zeítche gut zó,
Soss streichen deín Nuom mir aus dem Kolènner
Eraûs aûs der Rei fun den hélége Mènnen,
An 't kent an déng Plátz ên dén emmer ons d'Sonn
Hèll schéngen dét op dé gehéerég Stonn,

Den 23^{ten} Juni 1886.

En Iélewüorsbuték fir all dé aner Leit.